

feralem hunc atque acerbitatis plenum nuntium attulerit: oportune, perlectis literis, Senatum responsurum. Nocte insequente Marinus Grimanus, Princeps, cum per decem ferme annos principatum gessisset, excessit: felicitatis, quo illud inierat, nunquam interrupto cursu celebris, religione vero & charitate in patriam, quam reliquæ Principe dignæ comitabantur virtutes, insignis. Ne Pontificis literæ ante novi Ducis creationem resignarentur de Præconsultorum sententia decretum. Grimani obitum Regum ac Principum oratores cum sexviris, qui a Principis excessu usque ad successoris creationem in palatio degunt, dolent; unus Matthæjus Nuntius ab eo Ducis optimi memoriæ persolvendo munere abstinuit. Post exequias, perplexa illa comitiorum ratione, majorum solertia excogitata, de novo eligendo Principe agi cœptum. Matthæjo Pontifex præcipit, ut uno ac quadraginta Senatoribus, qui ex veteri instituto Principis electioni incumberebant, denunciet: *Quod nexu excommunicationis adstringantur, non posse in demortui locum sufficere.* Idque acturus erat Matthæjus, si Collegium, quod a Ducis obitu oratores admittere legibus prohibetur, adire licuisset. Interim re maturius perspecta, quæ ex pravo consilio incommoda suboriri possent, animadversis, ut insuetæ denunciatione abstineret, Nuncio rescriptum est.

1605

Marin
Grimani
Principis
obitus.

M. DC. VI.

Leonardus Donatus, Eques ac Marcius Procurator, Senatu universoque patricio ordine plaudente, totaque acclamante civitate, quarto idus januarii Marino Grimano suffectus est; principatusque insignibus inauguratus supremum magistratum iniit. Dum vero suggestum pegmate, quod *naviculam* vocant, navalium virorum humeris per forum de more gestaretur, superstitiosi homines in futurarum dissensionum omen traxere, pueros niveis primum globis (nam per eos dies affatim nix cælo defluxerat) deinde faxis certantes; in palatii portæ ingressu hastile, quo vexillum Reipublicæ sustentabatur, perfractum; passim plebis voces bellum inclamantes. Nec deerant, qui vaticinos versus evulgerent, quibus Italiæ ingentes eo anno portendi calamitates prænun-

1606

Leonardus
Donatus
ad principatum ere-
ctus.